

UmNyango wezoLimo nokuThuthukiswa kweMiphakathi yaseMakhaya Isikhathi sokuTshala ziKhathizonke ngo-2019 kuya ku-2020

UNdunankulu uZikalala wethule uhlelo lokuTshala ziKhathizonke

‘SISEMBHIDLANGWENI wokushintsha izinto kwezolimo okuzoqinisekisa ukuthi kuba nokudla endimeni yezolimo, kudaleke imisebenzi,’ okuwumbhidlango ozokwenza ukuthi imboni yezolimo yandise igalelo layo emnothweni wesifundazwe ngo-R18 billion kuya ku-R23bn.

Lo mcimbi obuseNdumo, eMkhanyakude mhla ka-13 kuSeptemba, ubusho ukuthi phezu komkhono ohlelweni lwesifundazwe sonke. Echaza ukuthi ezolimo zineqhaza elimqoka ekuqedeni ububha, ukungabi bikho kwemisebenzi nokungalingani, uZikalala uthe uhulumeni wesifundazwe uzoqinisekisa ukuthi uhlelo lwesiKhathi sokuTshala ziKhathizonke kufinyelele i-KZN yonke ukuze kuthinte impilo yabantu “abahlwempu”.

Kuloku kwethulwa kohlelo, uZikalala ubehambisana noNgqongqoshe wezoLimo uNkk Bongiwe Sithole-Moloi namanye amalungu kahulumeni wesifundazwe.

Ebeka uhlelo lwe-RASET phambili, uZikalala ugcizelele ubumqoka bokugxilisa izinhlelo zentuthuko, ezinjengohlelo



lwesiKhathi sokuTshala ziKhathizonke. I-RASET wuhlelo oluholwa wuhulumeni olwenza ukuthi abalimi abancane bathole izimakethe eziphephile nezisimeme namakhasimende ehlukene anjengeminyango ehlukene kahulumeni wesifundazwe.

UZikalala wengeze ngokuthi zonke izinhlelo ze-RASET

kufanale zibe namathuba kubantu besifazane nentsha ukuze kuhlomuleke ngokwenhlalo nangokomnotho ezindaweni ezisemakhaya. “Iqhaza lentsha nabantu besifazane kule ndima kuzoshintsha izinto emnothweni oluhlaza, kuphucule impilo yabantu abampofu eKZN,” kusho yena.

Ekhala “ngenselelo enkulu

yokuhlukunyezwa kwabantu besifazane nezingane”, uZikalala uthinte indaba yokungalingani okudlangile kulo mkhakha, athe kufanele uhulumeni nabo bonke abalingani abanendaba kufanele babhekane nako ngqo.

Uchaze ukuthi indaba yokwenela kokudla iyinsika kwinhlalohle yomphakathi, wathi ngenxa yaloko umNyango

wezoLimo kudingeka ucabe indlela ukuqinisekisa ukuthi imiphakathi igxila ekulimeni ukudla okunomsoco nokunemaminerali namavithamini adingwa wumzimba owondleke kahle.

Uphinde ikhwelo elahlatshwa yiSilo samaBandla u-Goodwill Zwelithini ukuthi kubekwe eqhulwini indaba yokutholalala kwamanzi ukuqinisekisa ukuthi kunamanzi okunisela izitshalo nemfuyo ikwazi ukuphuza.

Esevala, uNdunankulu Zikalala umemezele ukuthi uNgqongqoshe uNkk Sithole-Moloi, ekanye nabanye ongqongqoshe besifundazwe, uzohola uhlelo lokuqinisekisa ukuthi lolu hlelo luyasebenza yonke indawo kuzonke izifunda.

UNkk Sithole-Moloi uthe isikhathi sokutshala sesiqalile eNdumo nakwezinye izindawo zaseKZN, lapho kugcizelelwa khona ukutshala izitshalo ezinjengeklabishi, ubhontshisi, utamatisi nezaqathe. Wengeze ngokuthi abantu baseNdumo bazothola ogandaganda abawu-12 abazobasiza ngesikhathi sokutshala. Loku kuzokwenzeka nakwezinye izindawo zasesifundeni saseMkhanyakude, kusho uNkk Sithole-Moloi.

Izinkulungwane zabeluleki bezolimo zithole imifaniswano emisha

Njengengxenywe yomkhankaso wokuvuselela umsebenzi ophikweni lwabeluleki emNyangweni wezoLimo, uNgqongqoshe womNyango wezoLimo nokuThuthukiswa kweMiphakathi yaseMakhaya, uNkk Bongiwe Sithole-Moloi, usanda kwethula umfaniswano omusha wamanxusa ezolimo.

Emcimbinini obuseMhlathuze Sports Complex eRichards Bay mhla ka-20 Agasti, kuthelwe abeluleki bomnyango abevile enkulungwaneni eqhamuka kuyo yonke iKZN, ezicuphile ngemifaniswano emisha.

Inhloso bekuwukwethula lezi zimpahla ezakhelwe lo msebenzi ukufaka isiko lokwenza umsebenzi oseqophelweni eliphezulu.

Lo msebenzi uyinsika yokuthuthukiswa kwezindawo zasemakhaya esifundazweni kanti ngaleyo ndlela useqhulwini ekuhlinzekeni ngezidingo endimeni yokufuya.

Ekhuluma kulo mcimbi wokwethula imifaniswano, uNkk

Sithole-Moloi uthe ukugqoka umfaniswano kuzokwenza abantu kwenye inkathi ababonakala bewuvanzi ngesikhathi somsebenzi bahloniphe umsebenzi wabo.

Uthe loku kuzogwema ubugebengu bamalungu omphakathi abuye azenze amaxusa omnyango ukuze enze izenzo zobugebengu. Esinye isigameko esinjalo sisanda kubikwa eTilehe, lapho iqulu labantu lagasela epulazini elabuyiselwa umphakathi owawudlelwe umhlaba lizenza izisebenzi zomNyango lafuna imininingwane ebucayi yomfelandawonye olawula lelo pulazi.

“Amanxusa omnyango asekheleni lokuhlinzeka ngezidingo zomphakathi kanti amele umNyango emehlweni amakhasimende nomphakathi wonkana. Yingako kumqoka ukuthi umNyango uhlinzeke amaxusa ngemifaniswano ukuze abonakale kangcono, agqame emehlweni omphakathi,” kusho uNkk Sithole-Moloi.

